

Protocol no. 72**Sezzüda da mardi, als 30 lügl 2013****19.00 - 22.00**

Preschaints: Albert Mayer, Andri Poo, Men Caviezel, Dumeng Jann, Marianne Werro-Lehmann e Marco Fallet (protocol)

Fatschendas
Nr. 651 e 652 Il manader tecnic, Christian Poo.

Protocol

Il protocol no. 71 da la sezzüda da gövgia, als, 18. lügl 2013 vain approvà.

651 710.501.14 Infrastructura Davo Stron
Surdatta da las lavuors d'indschegner

Il Capo, Albert Mayer, ed il vicecapo, Andri Poo, piglian recusaziun.
I sun entradas seguaintas offertas chi sun gnüdas controlladas e sun in uorden:

Büro Albert Mayer, Sent	fr.	55'135.00 (100%)	incl. ipv.
Büro Jon Andrea Könz Scrl., Sent e Zernez	fr.	58'050.00 (105.3%)	incl. ipv.

Il Cussagl decida, cun vusch unanima, da surdar l'incumbenza al büro Albert Mayer, Sent pel predschi d'offerta.

652 790.501 Proget planisaziun cumünala
Revisiun da la planisaziun

Rapport da cooperaziun

La cumischiun da planisaziun ha salvà her saira sia sezzüda in fatschenda ed ha fat amo alchünas müdaziuns ed adattamaints dal rapport. Il schef da la cumischiun da planisaziun, Dumeng Jann, ed il manader tecnic, Christian Poo, til preschaintan e til repassan in möd detaglià. Sün tuottas dumondas davart dal Cussagl pon els dar las infuormaziuns necessarias.

Plans

Il schef da la cumischiun da planisaziun ed il manader tecnic preschaintan al Cussagl seguaints plans, ils quals vegnan repassats in möd detaglià:

- Plan general da la preparaziun dal terrain – Provedimaint ed allontanamaint 1:2000
- Plan general da la preparaziun dal terrain 1:10'000 / 25'000
- Plan da zonas e plan general da fuormaziun 1:10'000 / 25'000
- Plan da zonas e plan general da fuormaziun 1:2000
- Plan general da fuormaziun 1:1'000 / 1:2'000
- Plan regulaziun dal trafic

Il Cussagl decida, cun vusch unanima, d'inoltrar la fatschenda al Chantun pella preexaminaziun, quai in resguardond amo ils adattamaints fats da la cumischiun da planisaziun.

Il schef da la cumischiun da planisaziun, Dumeng Jann, exprima seis ingrazchamaint al manader tecnic sco eir als commembers da la cumischiun pel grond ed intensiv ingaschamaint. Il Capo piglia l'occurasiun d'ingrazchar eir in nom dal Cussagl cumünal a tuots manzunats survart pella buna ed ingaschada lavur prestada.

653

VARIA

Suot Varia discussa e fix'il Cussagl amo divers termins per aboccamaints e sezzüdas.

L'actuar:
Marco Fallet

Il Capo:
Albert Mayer